

Inatsisartut suleriaasiat § 37 immikkoortoq 1 naapertorlugu matumuuna Naalakkersuisunut apeqqutit imaattut saqqummiuppakka:

- **Royal greenland A/S-ip tunitsiviit pigisai Savissivimmiitoq Kangersuatsiamiittoq qanoq iliuuseqarfiginiarneqarpat ?**
- **Innuttaasunut tunisassiornermillu ingerlatserusuttunut soqutiginnittunut periarfissiisuti-ginissaat aqutissiuuniarlugu Naalakkersuisut qanoq pilersaaruteqarpat ?**

(Jens Immanuelson, Siumut)

Tunngavilersuut:

Savissivimmi tunitsivik atorneqarani uninngaannarpoq siusinnerusukkut kalaaliminernik tunitsivittut atorneqarsimasoq inuviaqatigiit pigisaat nunaqarfiullu aningaasarsiorneranut pingaarutilimik ingerlasimasoq uninngaannarpoq aallarteqqinniarlugu qanoq suliniuteqartoqarpa ?

Taamatuttaarlu Royal Greenland-ip tunitsivik pigisaa Kangersuatsiamiittoq ukiuni arlalinngortuni atorneqarani uninngaannartoq allanik ingerlatserusuttunik pisiariumaneqartarsimagaluartoq qanoq pilersaaruteqarfigineqarpa ? aamma piginnittup nammineq atorumanngippagu innuttaasunut atugasanngorlugu aqutissiuunneqarsinnaava ?

Nunaqarfinni pineqartuni aningaasarsiornikkut iluaqutigineqarsinnaapput qalerallit avataasigut aalisakkat allat saarulliit il.il. annertuumik aningaasarsiutigineqarsinnaagaluartut piginnittuniit qalerallit kisimik soqutigineqarnerat pissutigalugu matoqqatinneqarmata. Innuttaasut aningaasarsiornerannut annertuumik iluaqutaasinnaagaluartut piginnittup atorumanngippagit allanut ingerlatassanngortillugit. Naalakkersuisuusarsimasut arlariit kangersuatsiami tunitsivik pillugu saafiqineqartarsimapput maannamullu aqqiissutaasinnaasumik suli suliaqartoqarani imminut pilersorneq timitalimik sulissutigineqassappat piaartumik piginnitumiit ingerlatserusuttunut tunniunneqartariaqartut isumaqarama, inuviaqatigiimmi pigimmasigit iluaqutigineqartariaqalerput.

Apeqquteqaatimma ullut suliffiusut qulit iluanni akineqareersimanissaat kissaatigaara.